



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Concilivm Londoniis Habitvm Svb Edredo Rege Totivs Angliae in natiuitate
beatae Mariae virginis anno Domini DCCCCXLVIII. praesentibus Vvulstano
archiepiscopo Eborum, Odone archiepiscopo Doroberniae, ...

urn:nbn:de:hbz:466:1-15625

ANNO
CHRISTI
948.

CONCILIVM LONDONIIS

HABITVM SVB EDREDO REGE TOTIVS
Angliæ in natiuitate beatæ Mariæ virginis anno Do-
mini DCCCXLVIII. præsentibus Vvulstano archiepi-
scopo Eborum, Odone archiepiscopo Doroberniæ,
ceterisque episcopis, abbatibus, ducibus, & comiti-
bus; in quo agitur de negotiis regni, & confirmatur
charta regis Edredi monasterio Croylandensi facta,
quam dictauit dudum cancellarius regis Turketulus,
modo abbas ibidem constitutus, & pastoralis baculo
inuestitus.

DE hoc Concilio ita Ingulphus: In festo ergo natiuitatis bea-
tæ Mariæ, cum vniuersi magnates regni per regium
edictum summoniti, tam archiepiscopi, & episcopi, ac
abbates, quam ceteri totius regni proceres & optimates,
Londoniis conuenissent, ad tractandum de negotiis pu-
blicis totius regni, consummatis omnibus, coram vniuer-
sis, domino Turketulo abbati, monachisque suis accer-
fitis rex Edredus dedit monasterium Croyland per char-
tam suam, dictatam ab eodem Turketulo abbate, iam-
dudum regis cancellario, consiliarioque familiarissimo,
& conscriptam in his verbis:

Pax in summæ Trinitatis nomine, Patris, & Filii, &
Spiritus sancti, Amen. Ego Edredus rex terrenus sub im-
periali potentia regis sæculorum æternique principis ma-
gnæ Britanniæ temporale gerens imperium, vniuersis
Christianis tam præsentibus quam posteris, salutis bene-
ficium in auctore salutis. Vobis liqueat omnibus quod,
&c. *Vide chartam, si desideres, longam satis, ut pote prædia plu-
rima & libertates continentem, apud Ingulphum ipsum pag. 874.
ubi sic in fine: Stabiliui, inquit rex Edredus, in anno ab in-
carnatione Domini nostri Iesu Christi nongentesimo qua-
dragesimo octauo, in præsentia archiepiscoporum, epi-
scoporum, & procerum regni mei subscriptorum.*

Ego Vvulstanus archiepiscopus Eboracensis deuotus subnotauit.

Ego Odo Dorobernensis archiepiscopus consilium & consensum
meum ad istud dedi.

Ego Alfredus Schireburnensis episcopus affectauit, &c.

Concil. Tom. 25.

M

Inferius autem sic Ingulphus : Tandem adueniente festo beati Bartholomæi apostoli, in præsentia regis, *Turketulus* monachus factus, & statim baculo pastorali a rege donatus, & ab episcopo benedictus, vniuersum monasterium cum omnibus eius possessionibus in manum regis resignauit. Qui apud London in communi Concilio coram archiepiscopis, episcopis, & totius terræ magnatibus, dictum monasterium cum omnibus terris eius, tam ab antiquo ei pertinentibus, quam ab eodem Turketulo nouiter datis ac acquisitis, dicto domino Turketulo abbati, monachisque suis reddidit, & cum charta sua (prout præmissum) liberum & solutum ab omni terreno seruitio in perpetuam eleemosynam confirmauit, &c.

ANNO
CHRISTI
948.

CONCILIVM ROMANVM,
IN QVO CONFIRMATA EST SYNODVS
ENGILENHEIMENSIS.

ANNO
CHRISTI
949.

H *VI*VS Synodi paucis etiam meminit *Flodoardus* in chronico anni **DCCCCXLIX**. Agapitus, inquit, papa Synodum habuit apud sanctum Petrum, in qua damnationem Hugonis episcopi apud Ingulenheim factam confirmauit: excommunicans etiam Hugonem principem, donec Ludouico regi satisfaciat.

SYNODVS LANDAVENSIS
SVB PATRE VIGESIMO QVINTO IBIDEM
episcopo sacrilegii causa in regem Nougui in ecclesia
Mainuon congregata.

CIRCA
ANNVM
CHRISTI
950.

N *OV*GV I rex filius Guriat vastauit Arcoit filium Disaith in podo Mainuon in medio Triloc podo sanctorum Dubricii, Teliaui, & Oudocei, per iram suam & furore nimio, & violato sanctorum refugio, episcopus Pater congregauit clericos totius parochiæ infra *Taratir* & *Tiui*, propter factam vim sacrilegii. Et audiens Nougui rex aduentum episcopi, & conuentam Synodum negotio sacri-